



== *Te Avae Tenuare 1960* ==

TE HEHEURAA API

Ia Orana I Te MATAHITI ANI

Ia tae i te mau matahiti atoa, e tae ihoa to tatou feruriraa i nia i te mau mea, tei tupu i roto i te matahiti, e e tai'o ihoa tatou i te apî tei roa'a mai ia tatou ma te hi'opoaraa i to tatou tiaraa mau râ. E ani ia tatou ia tatou iho e te haere nei anei tatou i mua e aore anei? Te na reira atoa nei vau a fatata mai ai te hopea o te matahiti 1959, te haamana'o nei au, i te mau mea tei tupu i roto i teie nei matahiti, i roto i te misioni nei, e te tai'o nei au i ta tatou mau haamaitairaa ta tatou, te mau melo no te Ekalesia a Iesu Mesia i te Feia Mo'a i te Mau mahana Hopea Nei, i farii no ô mai i te Atua ra.

Te ite nei au e, ua roa'a mai ia tatou te apî. Te manuïa nei te mau ohipa a te Ekalesia i teie mau fenua nei. E rave rahi te mau taata o tei faaroo i te parau no te Evanelia o tei haapiihia e te mau orometua e tei tomo i roto i te Ekalesia na roto i te uputa mau, oia hoi, na roto i te hapetizoraa, e rave-rahi-atoa te mau melo manui tei faafariuhia na roto i te ohipa a te mau Orometua e te Feia Faatere i roto i te mau Amaa, e te farii faahou nei ratou i te "Oaoa tei tae mai i nia ia ratou na roto i to ratou tiamâraa i roto i te Ekalesia e na roto i to ratou taviniraa i te Atua."

I roto i teie matahiti nei, ua faaotihia te Fare Pureraa i Uturoa Raiatea i te hamanihia e ua tomohia taua fare râ. Ua tarahuhia te hoê Fare i Tevaitoa o tei riro ei fare putuputuraa na taua Amaa apî ra, i reira. Ua hamanihia-atoa-hia te hoê fare niau i Papenoo, e ua faarahihia te fare Pureraa niau i Avera no te mea ua nainai roa te fare matamua, aita te mau taata'toa e ô faahou i roto i te reira. Te ite nei tatou na roto i te ohipa a teie mau Amaa apî te haere nei te ohipa a te Fatu i mua.

I roto i teie nei matahiti atoa, na haapaohia ta tatou Amuiraa Atopa i Tahiti nei e ua huru rahi te mau taata o tei tae mai na te mau fenua i raro ma, e ua nehenehe roa te mau ohipa i faaterehia. Ua haapao atoahia te hoê Amuiraa Atopa i Tubuai, e ua faatere-atoa-hia te mau Amuiraa Mataeinaa i Raiatea, i Tahaa, i Tubuai, i Takaroa e i Hikneru.

Ua haamaitahia tatou na roto i te mau tautururaa a te Feia Faatere no te Hau Farani. Ua faataahia te hoê taime, na tatou, oia hoi, 15 miniti i na hebedoma e piti atoa, no te a'oraa'tu i te Evanelia na roto i te Radio (Radio Tahiti), na roto i te parau vaha e na roto atoa i te mau himene. Te faaroohia nei te reira ohipa Evanelia i te hora 10:00 i te poipoi Sabati. Ua faatia'toa ratou ia rahi a'e ta tatou taioraa o te mau Orometua Popaa, oia hoi, hoê orometua faahou tei faatiahia ia haere mai e ia rave i te ohipa i rotopu ia tatou.

Te ite nei tatou, na roto i to tatou hiopoaraa, e te farii noa nei tatou i te mau haamaitairaa a te Atua, e te haere nei te ohipa a te Atua i mua i te mau vahi paruparu o te tia ia faaetaetahia e ia faaafarohia taua mau vahi ra. Na roto i teie matahiti 1960 i mua ia tatou nei, ia faarahibia te ohipa maitai i taua matahiti ra. E tia atoa ia hi'opoa tatou ia tatou iho, ia faaafarohia e ia faaetaetahia te mau vahi paruparu i roto i to tatou iho oraraa, e ia opua tatou i te mau opuaraa maitai i roto i to tatou iho oraraa, i roto i teie matahiti apî nei.

Te faaite nei matou i to matou mauruuru ia outou, te mau melo no te Ekalesia e te mau Feia Faatere no te mau Amaa no to outou itoito e to outou tautururaa i te ohipa a te Fatu, i roto i te matahiti 1959, e te ani nei matou i te Atua ia tauturu noa ia outou e ia haamaitai ia outou i roto i te matahiti 1960.

Papaihia e Iosepha R. Reeder (Peresideni Misioni)

Te Parabole o Te Ueue Huero ra.

(Mataio 13.)

Ua rave rahi te mau feia faaapu i te fenua Paletetina, i te mau mahana o te Faaora, mai teie e vai nei i teie nei. O teie ia ta ratou ohipa, oia hoi, te aroteraa i te fenua, te ue-neraa i te huero, e ia pau te tau mahanahana ra, te haapu-turaa ia o te aubune ra.

I te taime a parau ai o Iesu na roto i te parabole, ua parau oia i te parau no te mau mea tei ite-maitai-hia e te taata, e ua iriti mai oia i te mau haapiiraa no roto mai i ta ratou mau peu. E na roto i te reira mau ravea ua ohie ia raton i haroaroa i te auraa o te reira.

Aita to te mau feia faaapu, i Paletetina, e mau ravea no te faaapu mai tei ravehia nei e te mau feia faaapu o teie tau, e na rave ratou i te rahiraa o ta ratou ohipa ma to ratou ana'e rima. No te tanu i ta ratou mau maa, e haere ia ratou na roto i ta ratou mau aua ma te ueue noa'tu. i te rima, te mau huero, tei ravehia e ratou no roto mai i te hoê farii o tei taamuhia i nia i to ratou taponu, e ua ueue maite ratou i te reira.

I te hoê mahana parau atura Iesu i te hoê parabole no nia i te feia faaapu. Ua parauhia te reira te parabole o te taata ueue huero, e teie taua parau aamu ra:

“Inaha, haere atura te ueue huero e ueue i te huero; e tei te ueueraa ra, mairi ihora e tahi pae i te pae aratia, mau maira te manu pau ihora. Mairi ihora e tahi pae i te vahi pãpã aita rea e repo i reira; tupu ihora ia i reira, no te mea aore i moe roa i raro i te repo; ia mahanahia râ, oriorio ihora, pohe atura no te mea aore i aahia. Mairi ihora hoi

e tahi pae i roto i te aihere, tupu a'era te aihere apîpî ihora. Mairi ihora vetahi i te vahi repo maitai, tupu a'era, hotu ihora, taihoê hanere i te huero hoê, taiono ahuru i te hoê, taitoru ahuru i te hoê."

I muri a'e i to'na parauraa i te reira parabole haere mara ta'na mau pîpî ia'na e ui maira: *Eaha oe i parau parabole atu ai ia ratou?"* E a faaroo noa'i ratou i taua parau aamu ra, aita roa ratou i feruri noa a'e i to'na tuatiraa i te a'oraa i te evanelia, e no reira aita roa ratou i haroarua noa a'e i te reira. E i reira tatara'tura Iesu i te auraa o te reira parau aamu ia ratou. Parau atura oia ia ratou e, o te huero i mairi i te pae aratia ra, e o tei amuhia e te mau manu, o te mau taata ia o tei faaroo i te evanelia, aita râ i ite i te reira, e ua arataihia ratou e te mau faahemaraa a Satane ra.

Te huero ra i mairi i te vahi ofai ra, o te hoho'a ia o te mau taata o te faaroo i te evanelia, aita râ ratou e haapao i te reira mai te au i te tia ra, e ia tae mai te hamani-ino-raa i nia ia ratou, e fariu ê atu ratou i te parau mau. E te huero o tei mairi i roto i te aihere ra, o te hoho'a ia o te farii mai, i te haamataraa, i te evanelia, area ra i muri iho ra, ua hau atu to ratou mana'o i te mau mea o te ao nei i to ratou rave-raa i te mau mea no te Atua, e ua vaiiho noa ratou i te mau peu o te ao nei i te tiahi atu i te evanelia i rapae au i to ratou mau oraraa.

Haapii atura oia e, te mau feia o te farii i te huero, e a ore ra, te mau haapiiraa o te evanelia "*i roto i te repo maitai*", o ratou ia tei taua maita ia ratou te reira e o te haapao hoi i te reira; e te rave nei ratou i te ohipa i roto i te Ekalesia e te ooti nei ratou i te hoê auhune rahi na roto i te tantururaa'tu ia vetahi ia ite e ia oaoa no te evanelia.

E parau faahou atura Iesu i te tahi atu aamu no nia i te mau feia faaapu. I taua mau mahana ra, ia hinaaro ana'e

te enemi i te rave i te hoê mea ino no te faaino i to'na taata tupu, i te tau hau mârû, i muri a'e i to te taata faaapu ueu-
eraa i te huero, e haere ia te enemi i te arui, e tanu i te mau
huero aihere iino i roto i te aua ra no te faaino i te faaapu.
Ua parauhia te reira mau aihere i te parau ra e zizania.

Parau atura Iesu i te aamu no te zizania, e na ô atura:
“*E au te basileia o te ao i te hoê taata i ueue i te huero maitai i roto i ta'na ra aua. Ia taoto ra te taata ra, ua haere maira to'na enemi, ua ueue ihora i te zizania i roto i te sitona, e haere ê atura. E tupu a'era te raau rii, e hotu ihora, itea ihora, te zizania. Ua haere maira te mau tavini, ua parau maira i to ratou fatu. E to matou fatu, e huero maitai hoi ta oe i ueue i roto i te aua na oe nei, nohea iho nei hoi te zizania? Ua parau atura oia ia ratou. Na te enemi te reira i rave. Ua parau maira te mau tavini ia'na, E tii matou e vaere? Ua parau atura oia, Eiaha; ei pee atoa te sitona ia vaere ontou i te zizania. E vaiiho noa ia tupu apipiti noa na e ia auhune; e ia tae i te tau auhune ra, na'u e parau atu i te feia ooti, E mata na i te rave i te zizania e ruuruu no te auahi, e hopoi râ i te sitona i roto i tau fare vairaa ra.*”

Ani atura te mau pîpî ia tatara mai oia i te auraa o tana parabole ra. E no reira parau atura oia e, o te aua ra, o te ao nei ia. Te mau huero maitai ra, o te mau tamarîi ia a te Fatu o te au i to'na ra basileia e o te tamata nei ia rave i te maitai. E te enemi tei ueue i te huero ino ra, o te diabolô ia; te auhune ra, o te hopea ia o te ao nei, e te mau feia ooti ra, o te mau melahi ia. E ia tae i te hopea o te ao nei, e tonono mai te Fatu i ta'na mau melahi no te haaputu mai, no roto mai i te mau taata ra tei ore i haapao ra e ia tonono atu ia ratou i te vahi faautu'araa te haa hoho'ahia i roto i te aamu, i te auahi o te nmu ra; e e farîi te feia parau-tia i ta ratou mau haamaitairaa i nia i te ra'i ra.

Marcel Bonnet

LES "ARTICLES DE FOI"

LE SEPTIEME ARTICLE DE FOI

"Nous croyons au don des langues, de prophétie, de révélation, de vision, de guérison, d'interprétation des langues, etc . . ."

Savez-vous depuis quand l'Eglise jouit-elle de dons spirituels spéciaux? Lorsque nous étudions les Ecritures, nous voyons que les dons spirituels ont existé depuis les jours d'Adam jusqu'au jour où Jésus appela ses premiers apôtres.

Jésus dit à ses apôtres lorsqu'il les chargea de leur première mission: "Guérissez les malades, ressuscitez les morts, purifiez les lépreux, chassez les démons. Vous avez reçu gratuitement, donnez gratuitement." (Matt 10:8. Luc 9:1-6)

Les dons spirituels ont toujours existé dans l'Eglise de Jésus-Christ. C'est une signe spécial du véritable Evangile de Jésus-Christ. Le Sauveur a dit:

"Voici les miracles qui accompagneront ceux qui auront cru: en mon nom, ils chasseront les démons; ils parleront de nouvelles langues; ils saisiront des serpents; s'ils boivent quelques breuvages mortel, il ne leur fera point mal; ils imposeront les mains aux malades, et les malades seront guéris." (Marc 16:17-18)

Beaucoup d'églises ne croient pas à la doctrine des "dons spéciaux". Elles croient que les cieux sont fermés. Si elle s'éloignent ainsi de la source de ces dons, c'est entièrement de leur propre faute, et non celle de leur Père Céleste. Après la mort des apôtres de Jésus, la doctrine devint de plus en plus populaire que la prophétie, les visions, la révélation et d'autres dons spirituels étaient terminés. C'est l'homme qui y avait mis fin et non le Seigneur.

Selon la volonté du Seigneur, ces dons furent restaurés sur cette terre, par l'intermédiaire du Prophète Joseph Smith, lors de la restauration de l'Evangile. Ces bénédictions et

ces dons sont donnés à ceux qui se repentent vraiment et qui reçoivent le baptême, à ceux qui croient au nom de Jésus et qui sont acceptés dans son Eglise.

Qu'y a-t-il à la base de ces dons? Y-a-t-il une autorité, un pouvoir spécial? Oui, c'est la Prêtrise. A votre avis, quel est le but de ces dons? Est-ce pour manifester le pouvoir de Dieu? Pour montrer un miracle spectaculaire? Pour satisfaire la curiosité?

En vérité, il y a plusieurs raisons. Ces dons servent à encourager les saints et à les stimuler à vivre plus près de Dieu et plus conformément à ses enseignements. Pour ceux qui ont déjà reçu ces dons spirituels. Ils sont des sources de grande joie; ils renouvellent en nous la détermination d'obéir et de servir.

Spécifiquement, quels sont ces dons? La réponse a été donnée par divers prophètes, tels l'apôtre Paul, de son épître aux Corinthiens; Moroni, lorsqu'il appela les Lamanites à la repentance; et Joseph Smith, parlant au nom du Seigneur à Son peuple.

“Il y a diversité de dons, mais le même Esprit;

“Diversité de ministères, mais le même Seigneur;

“Diversité d'opérations, mais le même Dieu qui opère tout en tous.

“Or, à chacun la manifestation de l'Esprit est donnée pour l'utilité commune.

“En effet, à l'un est donnée par l'Esprit une parole de sagesse; à un autre, une parole de connaissance, selon le même Esprit;

“A un autre la foi, par le même Esprit; à un autre, le don des guérisons, par le même esprit;

“A un autre le don d'opérer des miracles; à un autre, la prophétie; à un autre, le discernement des esprits; à un autre, la diversité des langues; à un autre l'interprétation des langues;

“Un seul et même Esprit opère toutes ces choses, les distribuant à chacun en particulier comme il vent.”
(I Cor. 12:4-11)

Vous pouvez trouver ces dons et d'autres dans le Livre de Mormon, Moroni 10:7-19, et dans les "Doctrines et Alliances", section 46:8-29.

Ces Ecritures nous apprennent que chacun a reçu un don de Dieu, qu'il y a beaucoup de dons et que chacun ne reçoit pas les mêmes dons.

Quant aux imitateurs des dons spirituels, l'Ancien James E. Talmage a écrit ceci à leur sujet: "Que personne ne soit séduit par la pensée que tout acte, dont les résultats immédiats paraissent être bénis, produira nécessairement un bien permanent. Il peut servir les sombres desseins de Satan d'exploiter et de mettre à profit le sens humain de la bonté, même jusqu'au point de guérir le corps et, selon toute apparence, d'écarter la mort.... Le développement du don de guérison dans l'Eglise, de nos jours, est imité, exactement de la même façon dont les magiciens d'Egypte imitèrent les miracles de Moïse, par toute une variété de cures par la foi." (Articles de Foi, pages 265-266)

Pour ceux qui cherchent le signe d'un événement miraculeux, une imitation est une réponse aussi bonne qu'une autre. Mais pour la personne qui croit sincèrement à la nature divine de Jésus-Christ, à Son autorité, seuls comptent les dons véritables de l'Esprit, et elle veillera à ne point être déçue.

"C'est pourquoi prenez garde qu'on ne vous abuse; et afin de n'être point trompés, cherchez ardemment les meilleurs dons, vous souvenant toujours de la raison pour laquelle ils ont été donnés;

Car en vérité, je vous dis qu'ils sont donnés pour le bénéfice de ceux qui m'aiment et qui gardent tous mes commandements, et de celui qui s'efforce de faire ainsi; afin que puissent en bénéficier tous ceux qui cherchent et qui me demandent, mais non ceux qui me demandent un signe pour satisfaire leur concupiscence." (D. et A. 46:8-9)

Soumis par l'Ancien Toni Stone

PARAU HAAMANA'ORAA NO TE ORO'A

1960

TENUARE

I aroha mai te Atua i to te ao, e ua tae roa i te horoa mai i ta'na Tamaiti fanau tabi, ia ore ia pohe te faaroo ia'na ra, ia roaa râ te ora mure ore. (Ioane 3:16)

FEBUARE - MATI

Na ô atura, E te Metua, ia tia ia oe ra, e hopoi é atu i teie nei a'ua; ia tupu râ to oe hinaaro eiaha to'u. (Luka 22:42)

EPERERA - ME

Ua parau maira Iesu ia ratou, O vau te pane ora; o te haere mai ia'u nei, e ore roa ia e poia, e te faaroo mai ia'u nei, e ore roa ia e poihâ. (Ioane 6:35)

TIUNU - TIURAI

Ua parau atura râ oia, na ô atura, Ua papaihia, E ore te taata e ora i te maa ana'e ra, i te mau mea atoa râ i haapaohia e te Atua. (Mataio 4:4)

ATETE - SETEPA

Ua hi'a Adamu ia vai te mau taata, e te vai nei te mau taata ia noaa to ratou oaoa. (II Nephi 2:25)

ATOPA - NOVEMA

Ua rave ihora oia i te pane, haamaitai atura i te Atua, vavahi ihora, tuu atura ia ratou ra na ô atura, O tau tino teie e horoahia na outou nei, e na reira outou ei mana'oraa ia'u. (Luka 22:19)

DITEMA

Mai te Taata i hope i te pohe ia Adamu, e hope atoa i te faaorahia i te Mesia. (I Korinetia 15:22)

PARAU TAMAU AAU NA TE MAU TUAHINE 1960

Tenuare - Febuare - Mati

E faahou â te parau atu nei au ia outou na e, ia faaturaratu te taata'toa i to'na ra taeae mai ia'na iho te huru. (Buka Fafau 38:25.)

Eperera - Me - Tiunu

O tei farii i ta'u ture, e e haapao i te reira, te reira iho â o ta'u pipi ia; e o tei parau e, na farii mai oia i ta'u ture, e e ore ra e haapao i te reira, e ere ia i te pipi no'u, e e tiavaruhia'tu mai rotopu atu ia outou na. (Buka Fafau 41:5)

Tiurai - Atete - Setepa

No reira, a faaroo mai na i to'u nei reo, e a pee mai ia'u nei, e e vai outou ei feia tiamâ noa, e e ere outou i te mau ture maori ra ta'u mau ture nei ia tae atu ai au ra, no te mea e, o vau nei, o to outou horoaraa ture ia, e eaha te tapea mai i to'u nei rima? (Buka Fafau 38:22)

Atopa - Novema - Ditema

A faaitoito noa e tae noa'tu i te hopea, e inaha, tei piha iho vau ia oe. E ere teie mau parau na te hoê taata e a ore ra na te mau taata, na'u ra, na Iesu Mesia, to oe Faaora, na roto i te hinaaro o te Metua. Amene. (Buka Fafau 31:13)

FEIA API

E Tae Noa'tu I Te Ava'e ATOPA 1960

Ua parau atura Iesu i te ati Iuda mai ia'na ra, I mau maite outou i ta'u parau, e pipi mau ia onthu na'u i reira.

E ite ia outou i te parau mau, e na te parau outou e faatiamâ. (Ioane 8:31-32)

Te Mau Haapiiraa A Paulo

Ua riro mau te reira mau haapiiraa ei pinairaa i te mau parau ta Paulo i papai atu i to Ephesia, mai teie nei i raro nei. “E teie nei, e haapae i te haavare, ei parau mau ta te taata atoa ia parau atu i te tahi, e melo ana’e hoi tatou no tatou iho. E ia riri outou ra, eiaha ia harahia; eiaha ia mairi te mahana i to outou ririraa. Eiaha hoi e tuu i ta te diabololo ra vahi ia ô mai. O tei eia na, eiaha e eia faahou; a rave ra to’na rima i te mea maitai, ia faufaahia ta’na ia horoa na tei ere ra. Eiaha ei parau faufan to roto mai i to outou vaha, ei parau maitai ra, e tupu ai te maitai au ra, e e maitai ai te feia e faaroo ra. Ia haapae-roa-hia te mama-hu ore, e te iria, e te riri, e te avau, e te faaino, e te tai-roiro, eiaha roa atoa ia. Ia hamani maitai outou ia outou iho, ma te aau marû aroha noa, ma te faaore hoi i te hara te tahi e te tahi, mai ta te Atua i faaore mai i ta outou i te Mesia ra.” (Ephesia 4:25-32)

I roto i teie nei mau parau, ua faahiti mai o Paulo i te tumu parau no te tatarahapa, o te tia ia haapaohia e te mau taata atoa.

E teie te hoê mea ta’na i titan i te feia te tai’o ia’na ra, oia hoi. ia faaore ratou i te hara a te mau taata atoa, mai ta te Atua e faaore nei i ta tatou iho mau hara. Na te reira e faatupu i roto ia tatou i te haamana’oraa i te pure ta Iesu i horoa ei hoho’a no ta tatou nei pure. A a’o ai Oia i nia i te mou’a ra, ua na ô mai Oia ra:

“E na ô outou ia pure; *E to matou Metua i te ao ra, ia raa to Oe i’oa. Ia tae mai to Oe ra hau. Ia haapaohia to Oe hirauro i te fenua nei, mai tei te ao atoa na. Hô-mai i te maa e au ia matou i teie nei mahana. E faaore mai i ta matou hara mai ia matou atoa e faaore i tei hara ia matou nei.*” (Mataio 6:9-12) E tapea rii tatou i nia i teie vahi e a feru-

ri maitai tatou i nia i teie mau parau: "E faaore mai i ta matou hara, mai ia matou atoa e faaore i tei hara ia matou nei."

No reira, e au mau taeae, e au mau tuahine, na papû maitai ia tatou te mau mea ta tatou i rave i te matahiti 1959. E mea tia ihoa i haamana'o i ta tatou nei pure, a faaore i te mau mea hape o te matahiti tabito, a rave i te mau mea maitatai, o te Evanelia a te Mesia.

To outou taeae i te faaroo, Pou T. Moo.

Te Pure Haamaitairaa i te Tomoraa i te Fare Pureraa Uturoa Raiatea.

E te Atua to matou Metua Mure ore i te ao ra. Ua haaputuputuhia matou i teie vahi nei no te hoê ohipa mo'a, tei faauehia e Oe i te ra'i ra, e na matou e rave nei i teie nei ao, o to oe i'oa ana'e hoi te tia ia faaora i te mau tamarii a te taata nei.

Te ani noa'tu nei matou ia Oe e te Atua e ia farii mai i teie nei fare, ei fare na Oe. O te ohipa ia a to matou rima. E matou o te mau taata, oia hoi ta Oe mau tamarii tei hamani i teie nei fare i raro a'e ia i te aratairaa o to oe râ Varua.

Mai ta oe i parau mai i roto i te hoê heheuraa ta oe i horoa mai, ma te parau e: "A faatupu na outou i te hoê amuiraa mo'a mai ta'u i faaue atu ia outou iho. A faaineine i te mau mea'toa e a faatia i te hoê fare, oia hoi ei fare no te pure, ei fare haapaeraa maa, ei fare no te faaroo, ei fare no te haapii, ei fare hanahana, ei fare no te haapao maitai e ei fare no'u no te Atua mure Ore ra.

E teie nei, te ani hua'tu nei matou ia oe, e to Matou Metua Mo'a ra, ia tauturu mai ia matou aa roto i ta Oe maitai ia riro teie nei fare ei fare te ravehia no to Oe ra hanahana.

E te ani atu nei matou ia vai noa mai to Oe hanahana i nia i to oe nei mau taata e i nia atoa hoi i teie nei fare ta matou e pûpû atu nei no oe.

Ia haamo'ahia e ia haamaitai-atoa-hia ia te reira ei fare mo'a. E mea tia ia vai noa to Oe hanahana i roto i teie nei fare pureraa.

Te ani atoa'tu nei matou e ia haamaitai atoa mai oe i te fenua nei tei nia iho teie nei fare i te vairaa.

Te ani atoa'tu nei matou ia ite te mau taata atoa e te tomo mai i roto i teie nei fare to oe mana. e ia ite atoa ratou e na haamaitai mai Oe te Atua e, i teie nei fare ei vairaa no to Oe Varua Maitai.

E ia horoa atoa Oe e to matou Metua Mo'a ra i te mau taata'toa o te haere e haamori ia oe ra i roto i teie nei fare, te ite o te noaa mai no ô mai i te ra'i ra.

Te ani-atoa'tu nei matou ia oe ia tupu maitai te haapao i te parau tia i roto i te aau o to oe mau taata nei ia roaa ia ratou nei to oe varua mo'a, e ia ore roa te hoê mea viivii ia faatiahia ia haere i roto i teie nei fare no te haaviivii i te reira.

E Iehova e, a tuu mai i ta Oe na aroha i nia i teie nei mau taata no te mea hoi e hara ihoa te taata i mua i to Oe aro. E te ani atu nei matou ia hi'o aroha mai oe ia ratou e a faaore mai oe i ta ratou mau hara.

Ia faatupu-atoa-hia i nia i te upoo o ta Oe mau Orometua te hoê â mea tei faatupuhia i nia i ta oe mau tavini i te mahana Penetekose ra, oia hoi ia faai-hia ratou i to oe Varua e ia haere ratou mai teie nei atu vahi, e poro-haere i ta oe Evanelia ma te mana rahi, i te mau taata atoa o teie mau fenua i te moana nei.

Te pure atu nei matou ia Oe e te Fatu, e ia vai noa mai ta oe hanahana maitai i nia i te mau feia faatere i teie mau fenua i Polinesia Farani nei, e ia vai noa to oe Varua Mo'a i nia i te Tavana o teie nei mau motu nei no te haamaitairaa atu ia'na, ia tia ia'na ia riro ei aratai i to'na ra mau taata i roto i te maitai, ia tia ia ratou ia faatura ia'na i roto i te ohipa rahi tei maitihia na'na e rave.

Te pure nei matou ia riro matou ei mau feia o te auraro maitai i te mau titauraa o te faatereraa o te Hau Farani. E te ani atoa'tu nei matou ia faatura'toa hia hoi matou e te mau feia tei maitihia ei faatere i te nei mau motu.

Te ani atoa'tu nei matou ia Oe ia aroha'toa'tu Oe i te mau tamarii a Iakoba ia tia ia faaorahia o Ierusalema e ia faaore-atoa-hia te mau tapearaa o te tîtiraa no nia i te utuafare o Davida e ia tia atoa hoi i te mau tamarii a Iuda ia haere faahou atu i te fenua ta Oe, e te Atua i horoa ei ai'a no to ratou ra, metua, o Aberahama.

Te ani atoa-tu nei matou e to matou Metua Here i te Ao ra ia haamana'o maitai oe i te mau taata'toa o teie nei mau motu ia farii ratou e to ratou mau utuafare fetii e ta ratou atoa ra mau faufaa, i ta Oe mau haamaitairaa e ia oaoa ratou i roto i ta Oe na aroha.

Te pure atu nei matou ia faahubia matou i roto i te mau ahū o te parau-tia e ia faakoronahia to matou upoo i te korona o te hanahana e ia ooti hoi matou i te oaoa mure ore ei hoo naraa i to matou mau ati atoa ra. E te Atua mana hope e a faaroo mai ia matou i roto i ta matou nei mau tiaororaa

ia Oe e a pahono mai Oe na te ra'i mai to Oe vahi parahiraa mo'a te vahi ta Oe e parahi nei i nia i to Oo terono tei faatihia i te hanahana, te mana, te tura, te puai, te mau parautia, te paari, e te aroha hoi.

A faaroo mai, a faaroo mai a faaroo mai ia matou e te Fatu. E a pahono i teie nei mau aniraa e a farii mai i to matou pupuraa'tu i teie nei fare ei fare no oe te ohipa a to matou nei rima

Ia riro to oe varua mai te hoê auahi ura i roto i te mafatu o te mau taata'toa o te tomo i roto i teie nei fare.

Ia vai noa to oe nei varua i nia i te mau taata'toa tei haaputuputu mai i teie nei mahana i o nei e ia oaoa to ratou mau aau i roto i te haamaitairaa na oe e te Fatu here.

Amene.

PARAU RII API

Te Aroha O Te Matahiti Apî

(Ioane 13:34-35.)

E tuu atu vau i te parau apî na outou, E aroha outou ia outou iho, mai ia'u e aroha'tu ia outou na, e aroha atea hoi outou ia outou iho. O te mea teie e ite ai te taata atoa e, e pipi outou na'u, ia aroha outou ia outou iho.

E no reira ia orana tatou i teie matahiti apî na roto i te aroha o te Fatu, Amene.

Eaha ta te aroha o te Atua i faatupu i nia i te ao nei, ua tonono mai te Atua i taua aroha no'na ra ia faatia mai i teie nei ao tei topa i roto i te hara e te pohe, Ioane 3:16. E na taua aroha ra i faariro ia tatou ei fetii hoê. Ephesia 2:19

E na taua aroha ra o te Atua i ora'i te taata atoa i nia i teie nei ao, Tito 2:11. E na taua aroha ra o te Atua i faatahiti mai ia tatou i teie Matabiti apî nei, Habakuka 3:1-2.

E na taua aroha ra i faahoi faahou mai ai oia o te Atua i to'na Basileia i teie anatau hopea nei, Buka Fafau S. 17:1; 1:4.

Na to outou taeae i te faaroo Marurai â Mahuru.

Te Vahine Orometua Hapii Tamarii.

I te 10 no Ditema, ua tae mai te hoê vahine orometua haapii tamarii no te Ekalesia A Iesu Mesia 1 Te Feia Mo'a No Te Mau Mahana Hopea Nei, no te fenua Tonga - Tapu, i Tahiti nei, e te parahi nei oia i onei, e piti hebedoma, ei reira e hoi atu ia, e mau mahana faafaaceraa teie na'na.

E orometua hoi oia no te mau tamarii Momoni o Tahiti nei, tei haere i taua haapiiraa ra, e te parau mai nei oia e, e mea maitai roa ta ratou mau haapiiraa, e te haere nei ratou i mua.

Ua faatupuhia te tahi mau fariiraa noa, e ua oaoa roa oia no taua mau fariiraa râ.

To Tatou Orometua

I tae raa mai te manu reva Farani o T. A. L., i te 28 no Novema i mairi a'enei, tei nia iho te hoê orometua api, teie to'na i'oa, William John Hunn, no Chicago mai oia. Ua noaa ta'na parau teitei no te haapiiraa i to'na râ oire, e ua haere faahou oia i te haapiiraa teitei a te Ekalesia i Utuha, e ua roaa faahou ta'na parau teitei i taua haapiiraa ra.

Te vai ra to'na e piti tuaana, to mua a'e ia'na e taote niho ia, to muri iho râ, e taote mau ia.

E te parahi nei teie orometua i te fare orometua i Papeete nei, e mea ite roa oia i te reo Farani.

Te Hoho'a No Ta Tatou Ve'a. Te Nunaa Atiramana.

O te hoê vahine teie no te nunaa Initia i te fenua Marite, o te parauhia, te mau Initia "Navaho." Te tunu nei oia i te faraoa mai te au hoi i te tunuraa faraoa "faraï pani" ta tatou e ite nei. Te faaea ra taua nunaa Initia ra, i roto i te medebara ra. Ia hi'o ana'e tatou i to ratou ra hoho'a, e ite ia tatou e, ua piri roa ia to ratou hoho'a, i to te taata Tahiti nei, ia au hoi i ta te Buka a Moromona i haapii mai ia tatou e, e fetii hoi ratou no te taata Tahiti nei.

POU MOO Gérant et Imprimeur, Papeete, Tahiti.
